

DÍA MUNDIAL DE LA DIVERSIDAD CULTURAL PARA EL DIÁLOGO Y EL DESARROLLO

IN MOVIMIENTO NACIONAL POR LA DIVERSIDAD CULTURAL DE MÉXICO
KINYLEUA NOCHTLAKAJ MAJ MOKUIKUILIKAN IPAN IK NAUI
MOTLATLANILISTLI IPAN TOTLALNANTSIN ITECHPA TLAIXKOPINKAYOTL
TLEIN ITECH POUI TLAMACHTILISTLI

Ipan xiuitle 2001, in Organización de las Naciones Unidas para la Educación y la Cultura (Unesco) okitlali in tonali 21 de mayo kemej “Día Mundial de la Diversidad Cultural para el Diálogo y el Desarrollo”. Yejika, sekin nechikolmej gubernamentales, académicas uan internacionales tlein itech pouij in Movimiento Nacional por la Diversidad Cultural de México (MNDCM), kinyoleuaj nochtlakaj maj mokuikuilikan ipan ik Naui Motlatlanilistli ipan Totlalnantsin itechpa Tlaixkopinkayotl tlein itech poui Tlamachtilistli.

Tlatlanilistli:

Ik achto: Se tepostlapoualoni MacBook Air tlein 11 pulgadas ika 128 GB, se tlapiktli tlein kipia miak amoxltli itechpa materiales bibliográficos uan audiovisuales, se diploma, noijki teixpantililos itlaixkopinal noso itekiuj ipan Museo Franz Mayer; inon tlaixpantilistli uelis mochiuas ipan ik ome tlajko xiuitle 2014, ipan inon tekitl sentekitiske IFE iuan Juntas Locales Ejecutivas ipan sejse estados; no ijkon ipan itekiuj in MNDCM.

Ik ome: Se tepostlaixkopinaloni Canon T3i, se tlapiktli tlein kipia miak amoxltli itechpa materiales bibliográficos uan audiovisuales, se diploma, noijki teixpantililos itlaixkopinal noso itekiuj ipan Museo Franz Mayer noijki ipan itekiuj in MNDCM, inon itekiuj in tlaixkopinkej teixpantililos ipan tlatlaman itekiuj inon nechikolmej tlein kisenchiuaj inin motlatlanilistli.

Ik yei: Se tepostlapoualoni iPad, se tlapiktli tlein kipia miak amoxltli itechpa materiales bibliográficos uan audiovisuales, se diploma, noijki teixpantililos itlaixkopinal noso itekiuj ipan Museo Franz Mayer noijki ipan itekiuj in MNDCM, inon itekiuj in tlaixkopinkej teixpantililos ipan tlatlaman itekiuj inon nechikolmej tlein kisenchiuaj inin motlatlanilistli.

Kanin uikalos tekitl? Peuas in jueves 22 de mayo uan tlamis 30 de junio de 2014 ipan 14:00 hrs.

Kanin momakas tlatlanilistli? In tlatlanilistli momakas ipan metstli agosto ijkuak peuas tlaixpantilistli itechpa tlaixkopinkayotl ika nochi imintekiuj in akin kitlaniske, inon mochiuas ipan Museo Franz Mayer ipan Mexijko ueyaltepetl, satepa moyekmatis keman mochiuas, xikita ipan iminamaixko in nechikolmej tlein kisenchiuaj nochi inin tlachialistli.

Nochi Tlein Moneki

Ik achto. Uelis mokuikuilis sejse tlakatl uan sejse siuatl tlein Mexijko euani, tlein kiuelita tlaixkopinas uan kineki kipaleuis maj moixmati, maj mauistililo, maj tlepanitalo, maj mochayaua uan maj amo poliui tomexijkayo, tomaseualo, tonepapan tlakayo nikan Mexijko totlalnantsin.

Ik ome. Sejse tlaixkopinali noso tekitl moneki maj kiixpantilis tlanemilistli itechpa:

• In kenin sentekitilo ipan tlamachtiloyan uan amo mopoua katlein ineluayo, imaseualo, ialtepeuj, inantlajtol, itlaneltokilis, ineska, ikokolis, noso okse tlaman ineskayo sejse tlakatl.

Ik yei. Moneki maj sejse tlaixkopinketl kititlani se, ome.. ixkichka makuili tlaixkopinali itechpa sejse categoría, uelis ika istak uan yayaujki noso tlapaltika.

Moneki maj titlanilo ika amatl fotográfico ome impresiones, itlamachiujka sejse tlaixkopinali tlein 8x10 pulgadas noijki maj titlanilo se archivo electrónico ika se tlakakiliskaxitl(cd). Nochi inon tlamantli noso documentos moneki maj pialo ika formato tif noso jpg, moneki maj kipia 300 dpi ika resolución noso ok achi miak. Sejse tlaixkopinali moneki maj melauak iaxka in akin kititlanis uan mokuikuilis, ijkon satepa amo akaj kijtos iaxka kemej: modelos, empresas, instituciones, publicaciones, okse motlatlani-

listli, okse tlakatl noso okse nechikol tlein kitlajtlanis inon tlaixkopinali uan kineki kitekiujtis. Amo mopouas noso amo mokuikuilis inon tlaixkopinali tlein ye okitlan ipan okse motlatlanilistli noso in tlein okichiuj se ueyi tlaixkopinketl melauak mauistik.

Ik naui. Nochi tekitl moneki maj titlanilo itechkopa mensajería noso uelis sejse tlakatl kiukas ipan oficinas de la Dirección General de Atención a la Comunidad Universitaria (UNAM), tlein yetok ipan Oficinas Exteriores, Zona Cultural, Edificio C, 1er. piso. Ciudad



Universitaria, C.P. 04510, México, Distrito Federal, uelis moajsis ok achi tenauatili ipan www.tucomunidad.unam.mx; uan oficinas de la Comisión de Derechos Humanos del Distrito Federal (CDHDF), tlein yetok ipan Av. Universidad 1449, col. Florida, altepetl Axotla, delegación Álvaro Obregón, 01030 México Distrito Federal. Inon tekitl noso inon tlaixkopinali tlein titlanilos itechkopa correo, san mopouas inon tlein okimachiyotijke ijkuak ayakmo tlami inin tenonotsalistli noso teyeualistli.

Ik makuili. Nochi tekitl moneki kiukas se ichikotoka in tlaixkopinketl, ipan oske tlapiktli yetos se amatl tlein kijtos: inon ichikotoka uan iyekmelaujtoka in tlaixkopinketl, kenin itoka itekiuj, se copia de identificación oficial, kanin mochantia (ojtli, itlapoualmachiyo, altepetl, delegación noso municipio, estado uan código postal), teléfono ika clave lada uan correo electrónico. (Amo kiseliske in tekitl noso in tlaixkopinali tlein amo kiukas nochi tlein nikan moteneua).

Ik chikoase. Inon ueytlajtoka noso ipan jurado calificador mosentlaliske in tlakaj tlein melauak tlamatinij itechpa tlamachtilistli, no ijkon itechpa tonepapan maseualo, ixtlaueli, tomelaujkyo, tlaixkopinkayotl uan itechpa okse tlaman inexpantilis tomexijkayo. In tlein kiitaske noso kipouaske ijkuak kijtoske katlein tekitl kitlanis, yejua: in tlaixkopinali tlein melauak kiixnextilia tlamachtilistli ipan Mexijko, amo mopouas kanin uan kenin nemachtilo, yesej maj inon tlaixkopinali amo techyoleua titlaokoyaske. Noijki moitas kox melauak mauistik omochiuj inon tlaixkopinali.

Ik chikome. Maj mauistililo in tlein kijtos ueytlajtoka noso jurado calificador. Noijki uelis kimakas menciones honoríficas noso okse tlaman mauistilistli, no ijkon uelis kijtos katlein tekitl amo mopouas ipampa amo kipia nochi tlein kitlajtlani inin tenonotsalistli.

Ik chikoeyi. Momatis akin kitlanis ipan inon motlatlanilistli itechkopa tlatlaman tenauatili uan noijki momatis ipan iminamaixko web inon nechikolmej tlein kisenchiuaj inon motlatlanilistli ipan tonali 29 de julio de 2014.

Ik chiknau. Ijkuak se tlaixkopinketl motokaitlalia ipan inin motlatlanilistli yej kijtosneki kinkauilia inon nechikolmej tlein itech poui in MNDCM maj kikuitakan, maj kitekiujtikan nochi itlaixkopinal ipan tlatlaman tlaixpantilistli uan teixpantilistli itechkopa documentos impresos, electrónicos, materiales audiovisuales especializados, noijki uelis nojiuyan uan tlatlamantika mochayauas uan moixmatis, yesej amo tlaixlaualos. Sanyoj, moijtos akin iaxka inon tlaixkopinali, akin okichiuj uan noijki teneualos in IV Concurso Nacional de Fotografía con el tema Inclusión educativa noso ik Naui Motlatlanilistli ipan Totlalnantsin itechpa Tlaixkopinkayotl tlein itech poui tlamachtilistli.

Ik majtlaktli. Nochi tlein amo moteneua nikan noso se nekuejmol tlein uelis kisas san kiyekmelauaske in nechikolmej tlein kisenchiuaj inin motlatlanilistli noso kimelauas in ueytlajtoka. Nochi tekitl noso tlaixkopinal tlein amo kitlanis, san kixitinis.

Ok achi tenauatili:

Dirección General Adjunta de Vinculación, Programas Educativos y Divulgación del Conapred, Tel.: (55) 5203 3014 y (55) 5262 1490 extensiones 1589 y 1590, vinculacionyd@conapred.org.mx.

Coordinación de Difusión del Centro de Investigaciones y Estudios Superiores en Antropología Social (CIESAS), Tel.: (55) 5487 35 70 ext. 1335 y 1344, comunicacion@cieras.edu.mx y prensa@cieras.edu.mx

Dirección de Fortalecimiento de Capacidades de la Comisión Nacional para el Desarrollo de los Pueblos Indígenas (CDI). Tel: (55) 9183 2100, ext. 7558, emartinezm@cdi.gob.mx

Centro de Investigaciones y Estudios Superiores en Antropología Social (CIESAS)
Comisión Nacional para el Desarrollo de los Pueblos Indígenas (CDI)
Coordinación General de Educación Intercultural Bilingüe (CGEIB)
Consejo Nacional para Prevenir la Discriminación (Conapred)
Dirección General de Culturas Populares (DGCPI-Conaculta)
Dirección General de Educación Indígena (DGEI-SEP)
Secretaría de Salud (SS)
Instituto Nacional de Lenguas Indígenas (INALI)
Organización de las Naciones Unidas para la Educación la Ciencia y la Cultura (Unesco)
Procuraduría General de Justicia del Distrito Federal (PGJ-DF)
Universidad Pedagógica Nacional (UPN)
Dirección General de Atención a la Comunidad Universitaria (DGACU-UNAM)
Consejo para Prevenir y Eliminar la Discriminación de la Ciudad de México (Copred)
Instituto Federal Electoral (IFE)
Programa Universitario México, Nación Multicultural (PUMC-UNAM)
Comisión de Derechos Humanos del DF (CDHDF)



MUSEO
FRANZ
MAYER

ARTES DECORATIVAS Y DISEÑO